

## 16. gr.

Prófunarverkstæði skal tilkynna faggildingardeild Löggingingrarstofunnar skriflega og án tafar hverja þá breytingu sem getur haft áhrif á heimild verkstæðisins til þess að starfa samkvæmt fyrirmælum um faggildingu.

## 17. gr.

Faggilding gildir til allt að fimm ára og skal í síðasta lagi að þeim tíma liðnum fara fram mat á prófunarverkstæði, eins og um fyrsta mat sé að ræða. Löggingingrarstofan gerir reglubundið eftirlit á árs fresti.

## 18. gr.

Ef prófunarverkstæði uppfyllir ekki almenn skilyrði um faggildingu, prófun er ófullnægjandi eða að prófunarmaður staðfestir prófun ranglega getur Löggingingrarstofan þegar í stað krafist tafarlausra úrbóta af hálfu prófunarverkstæðis, ákveðið að breyta umfangi faggildingar eða ákveðið að afturkalla faggildingu.

Kostnaður sem af slíkri aðgerð hlýst, skal greiddur af prófunarverkstæðinu.

## 19. gr.

Kostnað við faggildingu, árlegt eftirlit o.fl. sem tilgreint er í gjaldskrá Löggingingrarstofunnar skal prófunarverkstæði greiða á gjalddaga.

## 20. gr.

Prófunarverkstæði skal hafa fullnægjandi ábyrgðartryggingar.

**Gildistaka.**

## 21. gr.

Reglugerð þessi, sem sett er skv. 12. gr. laga nr. 100/1992, um vog, mál og faggildingu, öðlast þegar gildi.

*Viðskiptaráðuneytinu, 22. janúar 1996.*

F. h. r.

**Þorkell Helgason.**

*Sveinn Þorgrímsson.*

**SKIPULAGSSKRÁ****fyrir Kvikmyndahátíð í Reykjavík.**

## 1. gr.

Kvikmyndahátíð í Reykjavík er sjálfseignarstofnun með sérstaka stjórn, heimili og varnarþing í Reykjavík. Stofnunin ber ábyrgð á skuldbindingum sínum með öllum eigum sínum. Hún er ekki háð neinum öðrum lögaðilum.

## 2. gr.

Stofnendur Kvikmyndahátíðar í Reykjavík eru: Félag kvikmyndagerðarmanna, Samtök kvikmyndaleikstjóra, Samband íslenskra kvikmyndaframleiðenda og Félag íslenskra leikara. Auk þess geta átt aðild að hátíðinni önnur félög sem starfa á sviði kvikmyndamála.

Inntaka nýrra félaga er þó háð samþykki meirihluta stofnfélaga.

Stofnendur leggja fram 500 þús. kr. stofnframlag til stofnunarinnar sem skal vera óskerðanlegur höfuðstóll og ávaxta skal með tryggilegum hætti.

### 3. gr.

Kvikmyndahátíð í Reykjavík undirbýr og heldur árlega alþjóðlega kvikmyndahátíð í Reykjavík þar sem sýndar eru athyglisverðar og listrænar kvikmyndir. Markmið Kvikmyndahátíðar í Reykjavík er:

Að efla almenna þekkingu og áhuga á kvikmyndum og kvikmyndagerð og vera vettvangur fyrir samskipti innlendra og erlendra aðila kvikmyndaíðnaðarins.

Að efla áhuga meðal yngra fólks á fjölbreytni kvikmyndalistarinnar og auka skilning þeirra á kvikmyndalist og myndlestri.

Auka skilning á mikilvægi íslenskrar kvikmyndalistar með því að auka þekkingu almennings á fjölbreytileika erlendra kvikmynda.

Efla menningarsamskipti þjóða í milli og auka þekkingu og virðingu almennings fyrir öðrum menningarsamfélögum.

### 4. gr.

Stjórn Kvikmyndahátíðar í Reykjavík er skipuð fjórum aðilum til tveggja ára í senn þannig að hver aðili að stofnuninni tilnefni einn fulltrúa til setu í stjórn hátíðarinnar.

Stjórnin skiptir með sér verkum.

### 5. gr.

Stjórn Kvikmyndahátíðar í Reykjavík skal vinna að markmiðum stofnunarinnar og kemur fram fyrir hennar hönd gagnvart þeim sem veita henni fjárhagslegan stuðning. Stjórnin ber ábyrgð á rekstri, fjárhag og eigum stofnunarinnar og setur sér og stofnuninni starfsreglur.

Boða skal stjórnarfundi með tryggilegum hætti. Enga mikilvæga ákvörðun má taka fyrir hönd stofnunarinnar nema meirihluti stjórnarmanna sé viðstaddur. Stjórnarmaður má ekki taka þátt í meðferð einstaks máls ef málefni sem fyrir liggur til ákvörðunar varðar hann persónulega.

### 6. gr.

Stjórn Kvikmyndahátíðar í Reykjavík ræður framkvæmdastjóra til tveggja ára í senn. Starfslýsing framkvæmdastjóra skal fylgja ráðningarsamningi hans. Endurráðning er heimil.

Framkvæmdastjóri annast daglegan rekstur Kvikmyndahátíðar í Reykjavík, undirbýr gerð verkefna- og fjárhagsáætlunar og leggur fyrir stjórn til samþykktar. Framkvæmdastjóra er ekki heimilt að skuldbinda stofnunina fjárhagslega nema að fengnu samþykki stjórnar.

Við gerð fjárhagsáætlunar skal við það miðað að gjöld hátíðarinnar fari ekki fram úr tekjum hennar. Stjórn og framkvæmdastjóra ber við ákvarðanir varðandi útgjöld að gæta þess eins og kostur er að útgjöldin verði innan þess ramma sem samþykkt tekjuáætlun markar. Framkvæmdastjóri ber ásamt stjórn ábyrgð á framkvæmd hátíðarinnar.

### 7. gr.

Tekjur Kvikmyndahátíðar í Reykjavík auk vaxta af stofnframlagi eru frjáls framlög frá ríki og sveitarfélögum, tekjur af þjónustu auk frjálsra framlaga frá einstaklingum, fyrirtækjum og samtökum auk annars aflafjár.

Tekjum Kvikmyndahátíðar í Reykjavík má einvörðungu verja í þeim tilgangi sem samrýmist markmiðum stofnunarinnar.

## 8. gr.

Til þess að stofnunin geti náð markmiðum sínum er stjórninni heimilt fyrir hönd stofnunarinnar að eiga samstarf við aðra aðila þ.m.t. stofnaðila og gerast í því skyni aðili að starfssamningi um lengri eða skemmri tíma.

## 9. gr.

Framkvæmdastjóri hefur með höndum fjárreiður Kvikmyndahátíðar í Reykjavík og ber ábyrgð á þeim. Hann skal hafa fullt samráð við ríkisendurskoðun og borgarendurskoðun varðandi þau.

## 10. gr.

Reikningsár stofnunarinnar skal vera almanaksár. Framkvæmdastjóri skal í fyrstu viku marsmánaðar leggja eftirfarandi gögn fyrir stjórn Kvikmyndahátíðar í Reykjavík til afgreiðslu:

1. Skýrslu fyrir síðasta starfsár.
2. Endurskoðaðan ársreikning liðins starfsárs.

## 11. gr.

Gera skal fjárhagsáætlun fyrir hvert ár og skal hún studd með greinargerð. Fjárhagsáætlun skal liggja fyrir samþykkt af stjórn eigi síðar en 6 mánuðum fyrir upphaf næsta reikningsárs.

## 12. gr.

Ársreikningur og fjárhagsáætlanir skulu gerðar í því formi, sem borgarendurskoðun og ríkisendurskoðun ákveða.

## 13. gr.

Reikningar Kvikmyndahátíðar í Reykjavík skulu endurskoðaðir hjá löggiltum endurskoðanda, sem skipaður er af stjórn til a.m.k. tveggja ára í senn. Um reikningshald fer að lögum nr. 19/1988 um sjóði og stofnanir sem starfa skv. staðfestri skipulagsskrá.

## 14. gr.

Leita skal staðfestingar dómsmálaráðherra á skipulagsskrá þessari. Skipulagsskránni verður aðeins breytt með samþykki allra stofnaðila og skulu þær hljóta staðfestingu dómsmálaráðuneytisins.

Stofnuninni verður slitið með sameiginlegri ákvörðun stofnenda. Verði starfsemi Kvikmyndahátíðar í Reykjavík hætt og stofnunin lögð niður skulu eignir hennar renna til kynningar á íslenski kvikmyndagerð.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 17. janúar 1996.*

F. h. r.  
**Jón Thors.**

*Fanney Óskarsdóttir.*